





0335CH06

गोरोबलायनानै थानाय





सावराय

- बेफोर जिब-जुनार, दाव, एम्फौ-एनलाफोर आरो बिफां-लाइफांफोरनि मादाव बबेबाया नोंनि न'आव थायो नामा?
- नों आरो नोंनि नखरा बिसोरखौ जोथोन लायो नामा?



नागिर

- माबाफोर जिब-जुनार, दाव आरो एम्फौ-एनलाफोर दं नामा जायखौ नों नुबाय जाय बिलाइ 72 आव होनाय सावगारियाव गैया?
- बिसोरनि मुंफोरखौ मिथिनो नाजा आरो गाहायाव होनाय फारिलाइयाव लिरना दोन। नोंनि थाखाय मोनसे बिदिन्थि खालामनाय जादों।


जुनारनि मुं	बै जायगा जेराव नों बिसोरखौ नुदों।
मोखा	बिफां

जों माखासे जिब-जुनार आरो बिफां-लाइफांफोरखौ जोंनि न'आव लाबोयो। माखासेफोरा बैयाव थानो हमबाय जानो हागौ। माब्लाबा माब्लाबा जों जोंनि न'खौ बिसोरजों खुसिजों रानलायो, नाथाय माब्लाबा माब्लाबा जों जोंनि न'आव बिसोरखौ मोजां मोना।

- नोंनि नख'रनि बैसोगोराफोरजों सावरायलाय दि बिसोरो उन्दै समाव न'आव बबे जिब जुनार आरो बिफां-लाइफांफोरखौ दोनदोंमोन। बिसोरखौ बे जिब-जुनार आरो बिफां-लाइफांनि सोमोन्दै जायखिजाया सल' खोन्थानो थिन।

फोरोंगिरिनि थाखाय रेबसुं

गासैबो गथ'फोरनिफ्राय खारिथि बुथुम, फारिलाइखौ गुसुडै फोरमाय आरो गथ'फोरखौ बेनि सोमोन्दै रायज्जायनो थुलुंगा हो।





सावराय

जरायाव सावराय


- नॉनि न'आव फैनाय बबे बबे हांखायजायै जुनार, दाव आरो एम्फौ-एनलाफोर?
- नों मानो सानो बिसोर नॉनि न'आव फैयो?
- नों नॉनि न'आव बिसोरनि नुजाथिनायखौ माबोरै मोन्दांदों?
- नों बिसोरनि गेजेराव बबेखौ मोजां मोनो?
- जेब्ला नों बिसोरखौ मोजां मोना अब्ला नों मा खालामो?

जों जॉनि न'आव थानाय माखासे जिब-जुनार आरो बिफां-लाइफांफोरखौ दै, जाग्रा आदार आरो थाग्रा खुलिफोर होनानै जोथोन लायो।



फोरोंगिरिनि थाखाय रेबसुं: जुदि जों जुनारफोरखौ मोजां मोना एबा गियोब्लाबो जुनारफोरखौ दुखु होयैनि सायाव गोसो हो। जुनारफोरा सरासनस्रायै गुबुनखौ दुखु होआ जेब्लासिम बिसोरखौ जों सिगिया।





थाइजौ बिफां

सानसेखालि सासे हौवासा शभुआ गावनि बिफाजों हाग्रायाव थांगासिनो दंमोन। बिसोर फांसे गिदिर थाइजौ बिफांनि सायख्लुम सिडाव जिरायदोंमोन। थाइजौ बिफाडा दाव, मान्दाब, मोखा आरो गोबां गुबुन जुनारफोरनि न'मोन। शम्भुआ मासे मोखाखौ थाइजौ जानानै बेगरखौ गारहरनाय नुदोंमोन। बियो गावनि बिफानो बे बाश्राखौ खोन्थादोंमोन। बिनि बिफाया बुंनायसै, “शम्भु, नों मिथियो ना बे बेगरनिफ्राय फांसे गोदान बिफां ओंखारगोन? बेबादिनो जिव-जुनार आरो बिफां-लाइफांफोरा गावजों गाव हेफाजाब होयो।

शम्भुआ थायसे थाइजौ लायनो खारदोंमोन जाय बिफांनिफ्राय गोग्लैदोंमोन। बियो बुंनायसै, “नाय! आंबो थाइजौ थायसे मोनबाय”।

शम्भुनि बिफाया बुंदोंमोन, “फिथाइ-सामथाइल’ नडा, जों बिफां-लाइफांफोरनिफ्राय मैगं-थाइगं आरो गोबां गुबुन बेसादफोर मोनो।”

“अ नंगौ, आं दा गोसोआव दं दि नों बेखौ आंनो सिगाडाव बुंदोंमोन। जों बिफां-लाइफांफोरनिफ्राय मुलि, जि-जोमनि थाखाय फाइबार आरो न’नि थाखाय दंफां मोनो।





सावराय

- जों माबोरै बिफां-लाइफां आरो जिब-जुनारनि सायाव सोनारो?
- बिफां-लाइफांफोरा जिब-जुनारफोरखौ माबोरै हेफाजाब होयो?
- जिब-जुनारफोरा बिफां-लाइफांफोरखौ माबोरै हेफाजाब होयो?
- नों नोंनि सोरगिदिं थानाय बिफां-लाइफां आरो जिब-जुनारफोरखौ माबोरै नायो?
- जिब-जुनार आरो बिफां-लाइफांफोरा माबोरै जोंनि सायाव सोनारो?



नों मिनथिगौ ?

रोजा रोजा बिफांफोरा गोरोन्थियै मान्दाबफोरजों गायजायो । बिसोरो बादामफोरखौ फबयो आरो बिनि उनाव बावलाडो दि बिसोर बबेहाय दोनखोमादोंमोन । बेबायदिनो, गोबां जिब-जुनार आरो बिफां-लाइफांफोरा बायदि रोखोमै गोरोबलायनाय आरो समानथि लाखियो ।

जों गावजों गाव गोनांथि दं

जरै जों जिब-जुनारफोर आरो बिफां-लाइफांफोरखौ जोथोन, रैखाथि, आदार आरो थाग्रा खुलिफोर होयो, बेबायदिनो जों बिसोरनिफ्रायबो गोबां बेसादफोर मोनो ।

बिदिन्थि बायदियै, मोसौ, मैसो आरो बोरमाफोरनिफ्राय जों गायखेर आरो मोजां मोनग्रा मदद मोनो । बेनिखायनो जों बैफोर जुनारफोरखौ जोबोद मान होयो आरो जों बिसोरखौ अन्नाय, जोथोन आरो अननायजों आखु दिन्थियो ।

जिब-जुनार आरो बिफां-लाइफांफोराबो आदार आरो थाग्रा खुलिनि थाखाय गावजों गाव सोनारो । जिब-जुनारफोरा बेगरफोरखौ गोसारहोनानै आरो हाखौ गावसोरनि दाखोर-दालानि गेजेरजों हासार गोनां खालामना बिफां-लाइफांफोरखौ मदद खालामो । बियो बिफां-लाइफांफोरखौ देरनाय आरो खाथियाव आरो गोजानसिम गोसारहोनायाव मदद खालामो । जों जानाय, थाग्रा खुलि, जि-जोम आरो लोगोनि थाखाय बिफां-लाइफां आरो जिब-जुनारनि सायावबो सोनारो ।

फोरोंगिरिनि थाखाय रेबसुं: गासैबो बिन्दोफोरखौ बुथुमखांनायनि उनाव, गोरलै सोदोबफोराव 'गोसारहोनाय' आरो 'हासारगोनां' सोदोबफोरखौ ज' खालाम, सुंद' खालाम आरो बेखेव ।





हाबा-फारि

1

फै जों जुनारनि सोमोन्दै मिन्थिनि

- नोंनि सोरगिदिं थानाय जुनारफोरखौ नोजोर हो ।
- जायखिजाया जुनार सायख' जायखौ नों सरासनसा नुयो, जेरै बोरमा, मोसौ, सैमा, मावजि एबा दावखा, फारौ, सखा, बाथ' एबा हांसो बायदि दाउ ।
- जेब्लानो खाबु मोनो बेखौ मोजाडै नाय । नों बिनि थाखाय गंसे बथल दै आरो माखासे बेगरबो दोननो हायो ।



लिर

जुनार एबा दावनि गुसुं बेखेवथि लिर-

- नों सायख'नाय जुनार एबा दावनि मुं हो आरो बरनाय ।
- नों बेखौ माब्ला आरो बबेहाय नुदोंमोन ?
- बेयो बैयाव हारसिं ना गावनि लोगोफोरजों ?
- बेनि बहागोखौ बरनाय ।
- बेयो मा सोदोब खालामदों ?
- नों बेखौ जानाय, उन्दुनाय, गावनि लोगोफोरजों रायज्जायनाय एबा माब्लाबा-माब्लाबा नांलायनाय नुदोंमोन नामा ?
- मा बियो बेबादि माबा खामानि मावदोंमोन नामा जाय नोंखौ गोमोहोदोंमोन एबा नोंखौ मिनिहोदोंमोन ?
- नोंनि सल'खौ नोंनि थाखोनि फरायसाफोरनो खोन्था ।





मुखुब, मुखुब, मुखुब आरो सोलोगोनां मोस्रोमफोर !

नों बे खामानिखौ गावनि लाइफां लोगोनि खाथियाव, गावनि थाखो खथायाव एबा न' आव मावनो हागौ । गावनि ओखाम संग्रानिफ्राय एसे बिबांनि थाम रोखोमनि जामुं लाबो:

- गोदै जेरै सिनि एबा गुर;
- पापड़ एबा मुरुक्कु बायदि एवनाय जायो;
- रुनाय एबा संनाय जेरै रुति, चापाति, इदलि, ओखाम एबा रागि ।

बे मोनथाम रोखोमनि जाग्रा मुवाफोरखौ मोनसे थोंगोर फारियाव हायाव दोन जायनि गेजेराव से फुटनि जानथाय थायो ।

मोनसे अनुमान खालाम ।

- जामुंनि थाखाय सोर फैगोन ?
- बिसोरनि मोजां मोनसिननाय आदारा बबे जागोन ?
- नोंनि जाग्रा आदाराव माबाफोर एम्फौफोर फैगोन नामा ?
- बिसोर बबेनिफ्राय फैगोन ?
- गासैबो एम्फौफोरा रोखोमसे नुगोन नामा ?
- बिसोर बबे जाग्रा मुवायाव गिबियाव थांगोन ?
- जाग्रा आदाराव माबैसे एम्फौफोर फैगोन ?
- बिसोर जाग्रा आदारजों मा खालामगोन ?

गावनि लाइफां लोगोखौ लोगो हमहैनाय

जेब्ला नों दुखु, सिन्था एबा रागा जोंडो, अब्ला नों नोंनि लाइफां लोगोनि खाथियाव थानो हागोन आरो बेजों रायज्जलयनो हागोन दि नों माबादि मोन्दांदों ।



फोरोंगिरिनि थाखाय रेबसुं:

उन्दै गथ'फोरखौ फांसे बिफांजों लोगो जानो थाखाय थुलुंगा होनांगौ । बेयो अनफावरि जौगाहोनायनि मोनसे जोबोद गोहोगोरा आरो गोहोम गोनां आदब । जाय उन्दै गथ'फोरा बांसिन थिखानाय आरो सिरि थायो, बिसोरनि थाखाय बे खामानिया बिसोरखौ गावसोरनि गोसोनि साननायखौ फोरमायनायाव मदद होनो हागौ ।



जेब्ला नों खुसि जायो अब्ला नों नोंनि
बिफांजोंबो रायज्जायनो हायो !
बिफांजों गावनि मोन्दांथिफोरखौ
फोरमायनायनि उनाव नों माबादि मोन्दांमोन ?
बिफां-लाइफांफोरनोबो जॉनि जोथोन आरो
मददनि गोनांथि जायो । जिब-जुनारफोराबो बेबादिनो
खालामो । जों बयबो गावजों गाव हेफाजाब होलायनो
हायो ।



हाबा-फारि

3

सान आं सोर ?

ज'रायाव जिराय । नोंसोरनि गेजेराव सासेया मासे जुनार, दाव, एम्फौ एबा बिफांनि मुंखौ सानगोन आरो गावनि जिउ लोगोरिनि खोमायाव खुगा खुसि बुंगोन । बेखौ थि खालाम दि नों बेखौ बांद्राय गोबारै दाबुं ! नोंनि लोगोरिआ जुनार, दाव एबा एम्फौ-एनलाफोर बायदि खामानि मावनांगोन आरो थांनांगोन आरो थाखोआ बेखौ साननांगोन ! बेनि उनाव नों बिफावफोरखौ सोलायनो हागोन ।

बिदिन्थिनि थाखाय:

- ग'पानि लोगो आलिया बिनि खोमायाव 'एम्बु' होनना बुंनायसै । नों मा सानो ग'पाया मा खालामदोंमोन ?
- सुखियानि लोगो सुर्याया खुगाजोंनो बुंनायसै 'फाखि बिफां' बुंबाय । नों मा सानो सुखियाया मा खालामदोंमोन ?



फै जों रिफ्लेक्ट खालामनि

क. सावराय ।

1. जों माबोरै बिफां-लाइफां आरो जिब-जुनारनि सायाव सोनारो ?
2. जोंनि आबहावायाव बिफां-लाइफां आरो जिब-जुनारफोरखौ जों माबोरै जोथोन लानांगौ ?
3. बिफां-लाइफां आरो जिब-जुनारफोरा माबोरै जोंनि सायाव सोनारो ?

ख. लिर

1. बिफां-लाइफां, दाव, जिब-जुनार एबा एम्फौ-एनलाफोरनि मुंजों बे बाथ्राफोरखौ आबुं खालाम |

क. आं _____ नायनो मोजां मोनो मानोना _____

ख. _____ आंखौ मिनिहो मानोना _____

ग. आंनि लोगो _____ मोजां मोनो ।

मानोना _____

घ. आं _____ जोथोन लानो लुबैदों

मानोना _____

2. क. नों गोजौआव मुं दोननायफोरनि गेजेराव नोंनि मोजां मोनसिन्नाय जुनार, दाव, एम्फौ एबा बिफांआ बबे ?

ख. नों बेखौ मानो मोजां मोनो ?

ग. बयनिखुइ फिसासिननिफ्राय लानानै बयनिखुइबो देरसिनसिम नों नुनाय एबा सोल्लोनाय गासैबो जिब-जुनार, दाव, एम्फौ-एनलाफोरनि मुंफोरखौ गाहायाव लिर ।



ग. आखि

1. जिब-जुनार, दाव आरो एम्फौ-एनलाफोरखौ मुं हो आरो आखि:

क. मोनै आथिं

ख. मोनब्रै आथिं

ग. मोनद' आथिं

घ. दाइन आथिं

© NCERT
not to be republished





नों मिनथिगौ ?

मोनसे सैथो सल' !

बेयो तामिलनाडुनि वालपराइ मुंनि मोनसे फिसा सोहोरनि सल'। फरायसालिनि गासै बोसोरावनो वालपराइनि गुबुन-गुबुन फरायसालिफोराव गथ'फोर आरो फोरोंगिरिफोरा गावसोरनि सोहोराव फैनाय दावफोरखौ नागिरो आरो रेबगान्थि खालामो।

अखा हानायनि एसे उनावनो आरो गोजां बोथोरनि दानफोराव बिसोरो बे दावफोर, ग्रे वागटेलसनि थाखाय मोनसे जुनिया बरायनायनि बिथांखि लायो। बे दावफोरखौ सरासनसायै मुडै मिथिनाय जायो टेड्ल स्पैरो तामिलआव। गोजां बोथोरनि गुसु दानफोरनि समाव ग्रे वागटेलफोरा हाजोनिफ्राय भारतनि दुंहाव बाहागोसिम सौफैयो आरो माखासे दाननि थाखाय बैयाव थायो।

जेब्ला गिबिसिन ग्रे वागटेलफोरा वालपराइआव सफैयो, अब्ला गथ'फोर आरो फोरोंगिरिफोरा दावफोरनि थाखाय बरायनाय पस्टार लागायनानै गावसोरनि सौफैनायखौ रंजायो आरो बिसोरो बयनोबो मिथाइ रानो!



- नों मिनथिगौ ना बे दावफोरखौ मानो वागटेल बुंनाय जायो? नायगिरना दिहुन!
- नों सल'खौ मोनसे बिमुं होनो लुबैयो नामा?

